

Broj: 10-14/5-229-6-8/18  
Sarajevo, 12.07.2018. godine

Na osnovu člana 70. Zakona o javnim nabavkama BiH („Službeni glasnik BiH”, broj: 39/14), a u vezi sa članom 10. stav (1) Pravilnika o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH”, broj: 104/14) i preporuke Komisije za javnu nabavku broj: 10-14/5-229/18 od 27.02.2018. godine, u predmetu javne nabavke hotelskog smještaja u zemlji i inostranstvu – pružanje usluga posredovanja u rezervaciji hotelskog smještaja, federalni ministar poljoprivrede, vodoprivrede i šumarstva, donosi

## O D L U K U

### o izboru najpovoljnijeg ponuđača

#### Član 1.

Prihvata se preporuka Komisije za provođenje postupka nabavke hotelskog smještaja u zemlji i inostranstvu – pružanje usluga posredovanja u rezervaciji hotelskog smještaja, izabrana je ponuda ponuđača “RELAX TOURS” d.o.o. Sarajevo, kao najbolje ocijenjena prihvatljiva ponuda, u iznosu od 28.359,42 KM sa PDV-om.

#### Član 2.

Ukupna vrijednost nabavke iznosi do 28.307,42 KM bez PDV-a, odnosno do 28.359,42 KM sa PDV-om na period od dvije godine za usluge hotelskog smještaja u zemlji i inostranstvu.

Obračun stvarnih troškova hotelskog smještaja – pružanje usluga posredovanja u rezervaciji hotelskog smještaja će se vršiti prema ponudi ponuđača za svaku pojedinačnu lokaciju.

#### Član 3.

U skladu sa članom 98. stav (1) Zakona Okvirni sporazum o nabavci dostavit će se na potpis izabranom ponuđaču iz člana 1. ove odluke najkasnije 15 dana od dana dostavljanja odluke o izboru najpovoljnijeg ponuđača i objavit će se na web-stranici Federalnog ministarstva poljoprivrede, vodoprivrede i šumarstva.

#### Član 4.

Ova odluka će se dostaviti ponuđačima koji su učestvovali u postupku javne nabavke, u skladu sa članom 70. stav (6) Zakona. Uz ovu odluku ponuđačima koji su učestvovali u postupku javne nabavke izvršiće se dostavljanje i Zapisnika o pregledu i ocjeni ponude u skladu sa članom 71. stav (2) Zakona u roku od 7 (sedam) dana od dana donošenja.

#### Član 5.

Za izvršenje ove odluke zadužuje se Sektor za finansije i računovodstvo.

#### Član 6.

Ova odluka stupa na snagu danom donošenja.

## Obrazloženje

Postupak javne nabavke pokrenut je Odlukom o pokretanju postupka javne nabavke usluge iz Aneksa II. Dio B – neprioritetne usluge - hotelskog smještaja u zemlji i inostranstvu – pružanje usluga posredovanja u rezervaciji hotelskog smještaja broj: 10-14/5-229-6/18 od 08.06.2018. godine.

Javni poziv za nabavku usluga hotelskog smještaja u zemlji i inostranstvu, objavljen je na web stranici Federalnog ministarstva poljoprivrede, vodoprivrede i šumarstva, dana 12.06.2018. godine, i elektronskim putem upućen je na adrese više od tri potencijalna ponuđača, u skladu sa članom 7. stav (3) Pravilnika o postupku dodjele ugovora o uslugama iz Aneksa II. Dio B Zakona o javnim nabavkama.

Procijenjena vrijednost javne nabavke je 30.000,00 KM bez PDV-a.

Do krajnjeg roka utvrđenog u tenderskoj dokumentaciji za dostavu ponuda, tj. do 02.07.2018. godine u 13:30 sati, pristigle su tri (3) ponude i to:

1. "FORTUNA TOURS" d.o.o. Mostar, 29.06.2018. godine u 09:10 sati
2. "MRKULIĆ COMPANY" d.o.o. Sarajevo, 02.07.2018. godine u 12:25 sati
3. "RELAX TOURS" d.o.o. Sarajevo, 02.07.2018. godine u 13:10 sati

Komisija, imenovana Rješenjem o imenovanju Komisije za javne nabavke roba, usluga i radova u 2018. godini broj: 10-14/5-229-2/18 od 27.02.2018. godine, je pristupila analizi dokumentaciji priložene uz ponude u smislu provjere validnosti ponuda obzirom na iskazane zahtjeve Ugovornog organa u Javnom pozivu, a u skladu sa procedurama i pravilima Zakona o javnim nabavkama, Pravilnika o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH”, broj: 39/14) i ostalim podzakonskim aktima.

Uvidom u priloženu dokumentaciju i suštinskom provjerom sadržaja i validnosti dokumentacija, Komisija je utvrdila da su prihvatljive sljedeće ponude:

1. "FORTUNA TOURS" d.o.o. Mostar,
2. "RELAX TOURS" d.o.o. Sarajevo.

Ponuda ponuđača "Mrkulić – Company"d.o.o. Sarajevo – Ilidža (p.j. Hollywood Travel) odbačena je iz sljedećih razloga:

- U Tenderskoj dokumentaciji, Aneks VII Obrazac izjave o obaveznoj primjeni preferencijalnog tretmana domaćeg navedeno je sljedeće:

"Ponuđač je obavezan u datom obrascu izjave o obaveznoj primjeni preferencijalnog tretmana domaćeg – Aneks VII zaokružiti jednu od ponuđenih opcija.

U slučaju da Ponuđač zaokruži opciju a) uz ovu izjavu je obavezan dostaviti i dokaz izdat od strane jedne od sljedećih privrednih komora: Vanjskotrgovinske komore Bosne i Hercegovine, Privredne/Gospodarske komore Federacije Bosne i Hercegovine ili Privredne komore Republike Srpske kojim dokazuje da podliježe primjeni preferencijalnog tretmana domaćeg.

Ponuđač "Mrkulić – Company"d.o.o. Sarajevo – Ilidža (p.j. Hollywood Travel) zaokružio je opciju a) DA, međutim nije dostavio dokaz, jedne od gore navedenih privrednih komora, kojim potvrđuje da podliježe primjeni preferencijalnog tretmana domaćeg.



Nakon izvršenog pregleda i ocjene ponuda, Komisija je dostavila ministru federalnog ministarstva poljoprivrede, vodoprivrede i šumarstva, Zapisnik o pregledu i ocjeni ponuda broj: 10-14/5-229-6-6/18 od 05.07.2018. godine i Preporuku o izboru najpovoljnijeg ponuđača „Relax Tours“ d.o.o. Sarajevo, sa registriranim sjedištem u ulici Alekse Šantića 5, 71000 Sarajevo, ID: 4200133460008, za predmetnu nabavku.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuka Komisije za javne nabavku.

Naime, u postupku je ocijenjeno da je Komisija u svemu pravilno postupila te je preporuka za izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog ekonomski najpovoljnije ponude, odnosno broja bodova izračunatih na osnovu kriterija utvrđenih u Javnom pozivu i tenderskom dokumentu, kako slijedi:

R. br.	Naziv ponuđača	Podkriterij/ cijena	Broj bodova	Podkriterij/ rok plaćanja (dana)	Broj bodova	Ukupno bodova
1	„RELAX TOURS“ d.o.o. Sarajevo	307,20	95	45	3,75	98,75
2	„FORTUNA TOURS“ d.o.o. Mostar	1.435,20	20,33	60	5	25,33

Izabrani ponuđač je, kako je gore navedeno, ocijenjen sa ukupno 98,75 bodova, dok je drugi ponuđač ostvario 25,33 bodova.

Iz navedenih razloga, primjenom člana 64. stav (1) tačka a) ekonomski najpovoljnija ponuda Zakona o javnim nabavkama, odlučeno je kao u članu 1. ove odluke.

#### **POUKA O PRAVNOM LIJEKU:**

Protiv ove odluke može se izjaviti žalba ugovornom organu, najkasnije u roku od 5 (pet) dana od dana prijema ove odluke.

Dostaviti:

- „Fortuna Tours“ d.o.o. Mostar
- „Relax- Tours“ d.o.o. Sarajevo
- „Mrkulić – Company“ d.o.o. Sarajevo – Ilidža (p.j. Hollywood Travel)
- Sektor za finansije i računovodstvo
- a/a

**MINISTAR**  
mr. sci. Šemsudin Dedić

